

嘉定鎮江志

嘉定鎮江志卷十二

樓臺

多景樓在甘露寺天下之殊景也始因楚蕩再建盡齋司
字稱樓非舊址唯東面可眺三陽暗甚詩云佳時百仞山
丹陽麗朝日江天富佳致收攬不遺一匆匆熙豐事電往
那可詰故基堆為徙勝槩從此夫如窺一面網反墮三凌
室幽懷鬱塵霧老眼暗榛榛乾道庚寅守臣待制陳天麟
乃重徙建為記曰多景樓不知其所始與所以名寺興於
唐繇李衛公以後登北固題詠者皆不及多景則樓當建
於本朝無疑獨不知其歲月初為樓者誰也今樓中石刻
有朱公元章詩且云禪師有建樓意故書禪師不載何名
當元章時尚未樓而東坡先生熙寧甲寅歲自杭過潤與

孫巨源王正仲會於此賦江天斜照傳於樂府不知與元
章賦詩時歲月相去幾何豈有之而中發耶或云熙寧中
主僧應天為之是皆不可知也考丹陽類集寺凡樓觀四
曰雨香清暉凝虛多景其一也却火之餘蹤跡難辨近歲
有言於太守方公滋者指優婆塞之居為舊址公因以其
所名之啟憲東鄉僅得園汝焦石數山長江一曲則景固
未嘗多也謂此為是是又未可知也下臨峭壁岸稍稍壞
難于立屋主僧化昭危之乃相地於寢堂之西為屋五楹
榜以元章舊跡登者以為盡得江山之勝蓋東瞰海門西
望浮玉江流縈帶海潮騰迅而惟揚城堞浮圖陳於几席
之外斷山零落出沒於煙雲杳靄之間至天清日明一目
萬里神州赤縣未歸輿地使人慨然有懷古意則是樓也

安知其非故處不然亦足以實其名矣京口氣象雄偉殆
甲東南北固瀕江而山聳峙斗絕在京口為最勝而今之
建樓之地又為北固勝處昭蜀人也胷中不錄錄故於是
舉為宜其後秘撰耿秉重脩吳瑤詩云幾年殊草創今日
見天成勝曰天下第一江山

北固樓或名為亭與地志北固山有亭屋五間蔡瑁以置
軍資劉牢之敗為其子敬宣所焚梁武帝改固為顧有登
北顧樓詩則其名久矣乾道己丑守臣侍制陳天麟建有
記至嘉定甲戌侍制史彌堅命郡吏搜訪得之碑裂為三
而失其一然其後尚可讀也記曰北固京口

字顧九

上至梁

樓壞為亭武帝登望

字顧七

百餘年所謂亭者邈不知何許

字關五

於圖經者舊云甘露即其地其然字關五載別編入江

高數十丈三面臨水號曰北園于觀京口諸山起伏縈繞
出入城府率如瓜蔓竒絕今甘露最近江屹立西鄉而山
南北皆字一田蓋昔江道也與南史所云合矣于於連唐
觀之西為亭面之而復其舊名則甘露之為北園其亦安
之而不辭矣夫六朝之所以名山蓋自固爾其君臣厭厭
若九泉下人寧復有遠畧茲地控楚負吳襟山帶江則于
是亭之復不特為登覽也舊亭在郡園後昭熙壬子殿撰
趙彥迪從事於山西向規制狹小至嘉泰壬戌閩學黃由
增廣之方輿勝覽輿地志在北園山上天邑晴明
望見黃陂城如青霄中為道相去五十里
喜雨樓在嘉定橋東嘉定甲戌守臣侍制史彌堅鼎建有
記

金壇縣

武功臺在金壇縣宇西池中有石記後為縣尉鄭儒毀去
惟龜趺存焉詳見金壇縣志

本府

濟川亭在潮朗之南守臣侍制文彌堅建并書舊有安流
亭北陋弗葺嘉定甲戌渠濬開或撤而新之凡十楹為重
客候潮區薄之所

皇華亭在丹陽館南後通潮渠守臣顯學張子願建

需亭在府治西九里江津之上漢末劉備自詣京口見孫
權求荊州權遣表漢以備為荊州牧權自餞備于江上觀
望久之謂備曰孤與公掃清逋穢迎帝定都事寧之日願
與公乘舟滄海耳備對曰此亦備之志也以泝江發棹處
考之正當此地舊亭絕小乾道己丑守臣陳天麟重建

送舟亭舊名南新亭在丹陽館南

晚山亭在連滄觀下

神亭與地志云在延陵縣西三十里即吳長沙王策遇太
史慈處也又按吳志孫策渡江轉鬪所向皆破進擊劉繇
於曲阿繇同郡太史慈傾視輕重時獨與一騎卒遇策於
神亭策從騎十三皆堅舊將韓當宋謙黃蓋輩也慈使前
鬪正與策對策刺慈馬而擊得慈項上手執慈亦得策兜
鍪會兩家兵騎並各來赴尋解散繇與策戰兵敗走丹徒
策入曲阿勞賜將士後於縣獲慈策捉其手曰軍中神亭
口耶若卿爾時得我云何慈曰未可量也策大笑曰今日
之事與卿共之

公廨

本府

妓堂在城東南唐李德裕題北固山詩云班超出妓堂注
郡城東南有謝公妓堂遺跡

郡官廳鈐轄廳在府教場側

教授廳舊在學之西偏淳熙中教授王祖得邑人廢宅於
學之北始創建為郡人田曉為記

簽判廳在縣門外

簽判廳在城隍廟巷東

初為總領所前岳珂及
為此及因遂建於此

節推察推廳並在府治之西兩廳相向

知錄廳在通判南廳之南

司理廳在知錄廳之東

司戶廳在郡治之西節察推廳之北舊為簽判廳治之所

淳熙中移入府治更為司戶廳屋宇痺隘歲久不葺居者
病焉嘉定癸未守臣龍圖大卿趙善相增建

司法廳在司理廳之南

都會廳在郡庠前門相對

景定間都倉
未通重建

寄捨監庫廳在杜榿之西

祥符園經載官舍除州治化外凡十二處通判在州街西
偏推官在州街南門外西偏州院司理院並州街南門外
兵馬監押在州街西南監清酒同監清酒監茶稅同監稅
監織羅務並州街西門外監堰在州西南二里迎奉院在
西北一里蓋是時郡篆之數止如此其後廢多始時別乘
一員今增為兩員其下又無簽判矣始時都監一員今增
為五員而其上又無鈐轄矣始時推官一員監當官共七

員今推官分爲節察二員而監當則有監倉監庫監酒監
稅監關及排岸巡鋪作院等官矣兵官監當員衆無定居
不能盡述

總領所在府治西南月觀之下

供軍堂隆興二年總領洪适建

花信亭洪适建

得江樓洪适建記曰江出岷山行萬里至于朱方受浙引
淮益大以肆衝激洄折過海門而東之潮生洲滅不見垠
隄駭濤靜練瞬息異狀金焦二山屹然中立形勢雄絕於
是爲最昔人謂長江當百萬之師而曰天堑南北得其險
也至於轉漕得之則陳陳銜舳費減流馬浮家者得之則
布騶千里朝發夕屆行商得之則輶載奇貨什一可逐騷

人得之則可以導詞源助子墨漁者得而網罟耕耨者得而
灌漑算計見効隨其所得江固自若也予官寺占缺覓之
西登嶺以望巨浸橫前境與心遠有地數晦衆闕高下吏
卒散處猶蜂房然會羽書不馳官事少閒徙茅茨去蕪穢
立屋其顛以得江扁之右為供軍之室左為花信之亭堂
言職亭言景也當沈迷錢穀之間神耗思滯攬鏡自嘆非
復故吾同隙一至如起宿疴如逃醉鄉長川遙吟寄我清
嘯陰晴朝莫無時不勝豈直吞八九雲夢而已顧瞻襄回
以今監古考戰爭之陳迹憤侵陵之近事歎馬之役春秋
所必報予再書下考視蔭懷歸天開風航中流擊楫後已
人將於此而觀之

仁亭乾道元年總領曹建建

愛山堂淳熙二年總領文惠錢良臣建

細書堂淳熙八年總領宇文子震建

小蓬萊宇文子震建帥幕鄧詠從上梁文

山春亭杏亭並宇文子震建右供軍堂花信亭得江樓愛
山堂杏亭嘉定間總領錢仲彪重修

一笑亭嘉泰三年總領梁季斌建取黃曾直詩坐對真成
被花惱出門一笑大江橫

丹徒縣

向吳亭在府治之南三里唐陸龜蒙詩秋來頻上向吳亭
其吏號通吳驛不知始於何時乾道庚寅守臣秘閣蔡洸
給公帑緡錢命丹徒宰韓元老重建仍復唐舊名揭之
監務廳在縣東北二里一百步今廢

神辭蘇庠勉陳東赴京手帖在焉

監稅廳舊寓慈雲寺嘉定中軍黃朴監務廖昌緒創建

倉

本府

轉般倉紹興七年每上江粮運至鎮江冬則候潮開占舟而防措運綱兵亦復侵耗運使向子諲乞置倉以轉般為名諸路綱至即令卸納從之在大園橋西北前臨潮河後枕大江淳熙戊戌守臣待制司馬伋總領葉翥運副陳覲三司同判開禧初守臣待制李大異增為五十四教逮今約儲米六十餘萬石外續納米輝教少不足以容司庾者擬於總所大軍倉借教交受然以朝家格積寄之他司出

納混清而皆不便嘉定甲戌守臣侍制史彌堅念濱江積貯最為利濟要須儲蓄百萬以便轉輸倉後陳地尚可展拓新開歸水澳去倉遠邇就運澳土積成教基力省功倍乃以借放增教利害論於朝奉旨起蓋教宇二十座以乙亥五月庚申鳩工八月甲午竣事

都倉在府治東南即學宮故址也舊教八歲久傾摧所貯無幾守臣侍制史彌堅增創倉宇併葺其舊而新之越數月始畢記曰直子城東南隅是為都倉歲久弗葺椽朽蠹垣壁隕缺上兩旁風儲峙弗嚴庾氏司出納無一席地以徂事執筆循除而坐俛首塵軌中尚何望會計當耶西戎既扶民租粟至舊教編隘不足以受所委則假他司空廩而寄藏焉發歛無定所輪受者始交病矣嘉定癸酉九

月余未可足邛怪而問之屬秋入方殷覓勉故態明年夏
因稍給之隙始先葺新而規廣之築土增高使絕漫潤疏
剔無壅以去流潦甃甃級石累塹層厓壑壑壑壑壑壑壑
久列為十有二教因舊而增葺者半之宮廳神祠門闕之
制向所闕典今悉備具肇工于次年四月二十八日斷手
於十月二十二日屋以間計合六十費羨餘之衆凡千二
十萬米一百五十五石民不知役而倉已新夫積貯有邛
之先務蓋歲有司之常職新小費苟歲月而恃假寓以為
安是舉常職而慢先務也余為郡不能自閑補弊疏壅扶
僅造壞政條稍稍舉乃以餘力而營斯倉倉成倉歲大稔
復斥公帑程粟實之以備不虞於積貯先務詎能補萬分
一庶其不負有司之職云爾

戶部大軍三倉南倉在范公橋東北倉在子城西倉在江津歲久弗葺嘉定壬申總領錢仲彪次第脩蓋間再葺而三倉一新積貯充拔

丹陽縣

常平倉在縣東北一里普寧寺北

金壇縣

常平倉在縣治東南五十步

庫

本府

戶部大軍庫在榷貨務之北

甲仗庫在丹徒縣東紹興十二年建以封樁御前甲仗庫名嘉定壬申總領錢仲彪重脩官溝界至舊為民冒占老

復歸於官矣

四酒庫中庫在長橋之北西庫在果子巷內西上庫在涿水橋之西江口庫在京口關之西

寄棧庫在府治西舊為新倉

勅士上酒庫在軍資庫南

勅士下酒庫在南亭之東守臣侍制又彌堅創

公使錢庫在架閣庫前戶部贈軍庫在竹竿巷西

酒庫八仙庫在大圓橋之東八角樓在小圓橋之西眉壽中山二庫在縣橋南清和樓在司家巷雙望庫在仁和門裏及酒梅在未方門外諸庫亦各有庫

丹陽縣

常平庫在縣街內

驛傳

丹徒縣

高資館在義里鄉高資村離城三十里昇潤往來之衝導
熙十二年八月文惠錢良臣建

丹徒驛在州治西與丹陽館相近舊呼為西行衙後為澤
差倅廳

丹陽縣

按唐軍相世未表北口折西館驛延正兼徐鉉其尚
慈潤州館驛巡官又和丹陽縣驛延正兼徐鉉其尚

驛迎送公事是則
前代亦嘗召臣矣

丹陽館在千秋樓之側紹興甲子守臣顯學鄭澐被旨建
南為中門東西列二館皆向南每北使往來朝廷遣接伴
送伴使至此則主居東館客居西館時弗啟若之命使指
及監司按部亦憩於此

泰潭驛在丹陽館北面臨漕渠即蕭閑堂之故基

蕭閑堂名取北陸庭蒙京口與友立結
列時士守徑遠泰年注森海始立所開

使館在縣東五里面臨漕渠紹興丁卯令蘇忠規建

金壇縣

舊有華陽館在縣南三十里唐貞觀中建

延陵館在縣治西五十步唐聖歷中建後廢今館驛在縣

治東南一百三十步

郵傳

丹徒縣 界一十四鋪三百二十四人

丹徒縣城下鋪六里半鋪兵一十六人
下鋪六里半鋪兵一十六人

下鋪六里半鋪兵一十六人
下鋪六里半鋪兵一十六人

下鋪六里半鋪兵一十六人
下鋪六里半鋪兵一十六人

兵二十人 南門 兵二十人 牛 兵二十人 城一十六人
 三 兵二十人 城一十六人 牛 兵二十人 城一十六人
 三 兵二十人 城一十六人 牛 兵二十人 城一十六人
 三 兵二十人 城一十六人 牛 兵二十人 城一十六人
 三 兵二十人 城一十六人 牛 兵二十人 城一十六人
 三 兵二十人 城一十六人 牛 兵二十人 城一十六人

丹陽縣 本縣額管七鋪計一百八十二人 四 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人

金壇縣 本縣額管三鋪計一十五人 三 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人
 兵二十人 城一十六人 牛 兵二十人 城一十六人

本府 織羅務 潤州造羅務舊課十二日成一匹至子與制置江
 織羅務 潤州造羅務舊課十二日成一匹至子與制置江
 織羅務 潤州造羅務舊課十二日成一匹至子與制置江
 織羅務 潤州造羅務舊課十二日成一匹至子與制置江
 織羅務 潤州造羅務舊課十二日成一匹至子與制置江

浙匹賦一日自後功課不及歲終頗以鞭笞督促真宗聞之謂左右曰如此之事朝廷何由得知蓋貪功邀進之人為國生事當詔悉如舊制因察在京諸司有此類者悉年之紹興二年鎮江織造務歲貢御服花羅數千疋兵興羅貢至是內藏庫舉行守臣胡世將奏民力凋弊無所從出有司劾世將違旨府案皆懼世將曰以身任諸無憂戊寅詔罷之上曰軍興匱乏豈可以御服之物為先且省七萬緡以助劉光世軍

上在塘埭山知錄兼管

都商稅務在丹陽館南

江口稅務在還京門外

都酒務 比較束務在道中觀相對

比較西務在洗馬橋西

糧貨務都茶場在嘉定橋之北隸總所提領開禧以來兩
劉外轄嘉定甲戌復歸總所今廢

丹陽縣

酒稅務在縣東四里一百步

呂城酒務在鎮內

場

本府

造船場在江下

草場在常平倉東北

嘉定鎮江志卷十二

嘉定鎮江志卷十三

刺史

按隋開皇罷鎮置州大業復廢州為縣故隋建潤州僅十餘載刺史弗詳唐初劉元進沈法興等五據其地至武德七年以後方再為州新舊唐史諸傳漫不可考以宰相世系表與本州馬跡山魏法師碑考之僅得七八人自盧承慶李思文竇孝謹方見於傳而張公休王美暢又皆脫畧自畢陞擇以後韋銑李潛兼按察使傳始明載然陸象先唐若山劉日正徐嶠韋昭理董琬又逸而無傳武德至開元末計一百二十六年僅得二十三人則刺史姓名泯沒必多姑次序其可考者始薛竇積次李元義李厚德盧承慶高師望盧明朱敬業李思文張公休竇孝謹盧薇遠王

美暢畢隆擇韋銑李濬陸恭先唐若山王瑒劉日正徐嶠
韋昭理齊澣董玢條列如左

薛寶積唐韋世系表終潤州刺史寶積從祖名道衡終隋
益州總管祖名道實終隋禮部侍郎父名德儒終隋濟北
司馬寶積利潤雖不詳其年月考其時當在武德七年以
後或正觀初蓋祖父仕隋則去隋未遠

李元義韋相世系表終潤州刺史元義父名行師行師兄
名大師大師子名延壽仕正觀中撰南北史實元義從兄
元義利潤以其時考之當在薛寶積後

李厚德歷潤州刺史

本府馬碑入記

盧承慶歷潤州刺史

以新舊唐書本傳及

新舊唐書本傳

顯慶四年以度支尚書坐免俄拜潤州刺史遷雍州州長

史總章二年代李乾祐為刑部尚書計其判潤當在顯慶
龍朔間

喬師望歷潤州刺史魏法師石碑銘有厚德承慶師望三
人惟承慶見於唐傳李喬無聞以承慶傳考之係高宗時
則李喬實相為先後蓋魏法師碑乃儀鳳二年立

盧明宰相世系表歷潤青等州刺史明在承慶姪行姑次
於承慶師望之後

來敬業宰相世系表歷潤州刺史

諸本皆作潤州惟監本
作皮州恐監本錯並監

本錯處敬業來濟之子濟以永徽二年相高宗龍朔二年

卒則敬業判潤意在高宗末年

李思文徐勣之弟敬業之叔歷潤州刺史文明元年敬業
兵起思文以使問道聞敬業攻潤固守踰月力屈城陷敬

業謂曰：「璽陵王繼天下，無罪見廢，今兵以義動，何過拒耶？」
若業於武氏宜改姓武，囚於獄中，及敬業敗，揚楚平乃獨
免，遂賜武姓。歷春官尚書，或言：「思文本與敬業謀者，乃復
徐氏。」以新唐書本傳及通鑑參元思文雖無刺潤年月，然文明元年敬
業兵起，思文已刺潤，必是為宋末年。

張公休歷潤州刺史，自潤州遷豫章太守。唐獨孤及集送
宇文協律赴江西序文首云：「復周正之年，天子以潤州
刺史張公休為豫章太守。武后紀元授元年，改元載初，以
十一月為正月，則序文云復周正之年，是載初分明。但此
年已遠，豫章則公休刺潤在文明之後，載初之前矣。」

竇孝謙舊唐書本傳：「昭成順聖皇后之父，則天時歷潤州
刺史，長壽二年，后母龐氏被酷吏陷，誣與后呪詛不道，孝

謀左遠羅州司馬其判澗當在載初長壽間

盧徽遠宰相世系表歷澗州刺史按表徽遠是承慶姪慶
判澗在則天時

王美暢歷澗州刺史

本府洪別
王仲訓記

神祠記建於先天二年具

荆王勣竊詳上下文意美暢判澗左驍將大將軍薛納實
為本州司馬以新舊唐書納傳參之其為左驍衛在睿宗
朝與神祠記合其為藍田令乃來後臣用事時則訥為司
馬傳雖不載必在藍田令之前後美暢既與薛司馬同時
其判澗在則天時甚明

畢隆擇神龍初為中書舍人五王之削武氏奉義為表語
甚激切隆擇次當讀表辭色明厲三思既得志出隆擇為

澗州刺史政有惠愛徙衛同決三州刺史

以新唐書本傳
及通鑑參定

韋鏡

舊唐書文粹作韋鏡新唐書作韋鏡字新唐書誤也景雲中

為潤州刺史兼按察使有女擇所宜歸會休日登樓見參

軍裴寬不以苞苴行家鏡遂異引為按察判官以女妻之

至先天開元中鏡猶為刺史

以新舊唐書裴寬傳及唐文粹李華詩休亭徑山大師碑

銘并漢荆王荆王神廟碑稱先天二年三月功畢今刺史

韋鏡手為脯醢唐李華徑山大師碑銘稱開元中本寺僧

法寂請至京口潤州刺史韋鏡洒掃醵林茲焉供養則知

韋鏡自景雲至開元猶為刺史而舊唐紀載景雲二年初

置十道按察使所以舊唐傳稱刺史韋鏡為按察新唐傳

亦載鏡引寬為按察判官也

李潛舊唐書本傳開元初置諸道按察使盛選能吏授潛

潤州刺史江南道按察使以城信侍物稱為良吏去職有

遺愛州人孫處元以學行著名濬特加禮異累表薦之仍

令子麟與之結交濬尋拜號路二州刺史

以新舊唐書李麟傳參攷

按通典及新唐書地理志百官志正觀元年因山川形
便分為十道其八曰江南景雲二年置十道按察使開
元二年十道按察採訪處置使故自韋執至李濬皆以
湖州刺史兼按察是時江南道猶未分東西至開元二
十一年始因十道分山南江南為東西道增置黔中道
置十五採訪使而舊書於李濬傳則云開元初授濬江
東按察使於李麟傳亦云父濬開元初為江南東道按
察使然開元二年尚為十道安得預分江南為東道也
疑舊唐書一字之誤也今只以江南道按察使書

陸象先本傳所至民吏懷之曾改類集引李德裕晚下北

固山喜徑松成陰慨然懷古偶題臨江亭詩云近世二千
石畢公宣公厚丞相量納川平陽氣衝斗三賢若時而所
立蹟仁壽注云丞相謂陸充公尚書謂畢隆擇平陽謂齊
唐事幹三賢皆歷此郡今考新舊唐書陸象先傳並不言
守潤然李衛公詩意慨慕皆屬為守者故末章言志凜凜
君子風余將千載友則象先刺潤前志云史畧之信然
唐若山先天中歷官尚書郎連典劇郡開元中出為潤州
頗有惠政遠近稱之太平廣記太平廣記載若山刺潤好
方術鑪鼎使用府庫官錢市藥遂有所遇與賓僚同遊金
山白中流隱去有遺表留郡中凡案問元宗省表異之命
優卹其家又召其弟若水與內臣賁詔江表海濱尋訪者
無音塵其後二十年有若山舊吏自浙西奉使淮南於魚

市中見若山鬻於魚肆視其吏而延之入陋巷中華第衣其久貧化鐵為金盡以遺之未又厚誣李紳遇若山於華山其誕幻不經直可以欺愚者然竊歎開元盛時刺史有賦吏如此不惟佚罰適逃苟免而天子亦受其欺則開元之盛不待至天寶而已矣夫使賦吏假神仙之名以遁逃當時僚吏揖別於中流二十年後舊吏過之於魚市其存其沒固不可得而考然朝廷無政賞罰無章識者觀之可為浩歎欲欺後世難矣哉

王琬新舊唐書本傳開元中歷澤州滑州滑州虢州變許八州刺史遷潤州刺史開元二十年丁母憂琬性豪侈著勳中朝其處方面去故就新受饋運至數百萬每移一州車馬填路數里不絕

劉日正潤州刺史領江東採訪使

徐嶠潤州刺史領採訪使

韋昭理潤州刺史 三人並見文粹李華徑山大師碑銘

序考通典唐志置江東採訪使之年月則劉日正徐嶠之
刺潤當在開元二十一年間韋昭理雖不帶採訪使然
李華列於徐嶠之次必是隨其年月先後今因之

齊幹新舊唐書本傳開元二十五年自常州刺史遷潤州
刺史充江東採訪處置使奏請穿伊婁河具地理類

董琬為江東採訪使嘗居北州

太平廣記

新舊唐書地理志載

開元置採訪使於江東道則云理蘇州本朝輿地廣記亦
祖之云治蘇州然考齊幹傳及李華徑山大師碑銘劉日
正徐嶠皆以潤州刺史領採訪使又載劉同昇以常州刺

史綱採訪使舊唐紀至德二載又載以黃門侍郎崔渙為
餘杭太守江東採訪防禦使則是江東採訪使不獨理蘇
州或治常或治潤或治杭本無定所太平廣記載潤州為
歲俸事謂開元以前以潤州為山關董琬為江東採訪使
嘗居此州故以董琬次齊幹

按新唐書百官志上州刺史注天寶元年改刺史曰太
守今考韓文獨孤及集新舊唐書得六人曰王景肅嚴
損之林洋閻敬之劉彙李廣琛惟王景肅嚴損之未詳
先後林洋閻敬之天寶末劉彙李廣琛在至德間內劉
彙實兼江東防禦使條列如左

王景肅仲舒之祖歷丹陽太守

韓文公集王仲舒墓誌銘

嚴損之中書侍郎挺之弟歷太原上谷戎陽餘杭四郡太

守建丹陽太守雖風俗殊異治効如一唐獨孤及文集載

林洋濟南人歷丹陽太守舊唐書薛平傳天寶間初丹陽郡太守

林洋及道俗父老百姓等朕遠達元妙載想靈仙春茲茅

山是謂天洞瑤壇舊觀餘趾尚存云云時練師李含光將

赴金壇故有是初石刻猶存含光上表年月係天寶七載

則林洋守丹陽正其時也石刻內楊字從水

開敬之為丹徒郡太守永王璘反進至當塗兵郡太守兼

江東採訪使李希言遣其將元景曜及敬之將兵拒之景

曜以其眾迎降於璘敬之及璘戰於伊婁瑛璘擊斬敬之

以徇江淮大震以新舊唐書永王璘傳及新唐書肅宗至德元載帝紀通鑑參攷

按唐不曾有丹徒郡而丹陽實治丹徒舊唐書永王璘

傳先云採訪使李希言在丹陽後云丹徒太守開敬之

則丹徒太守即丹陽郡太守也

劉秉舊唐書肅宗紀至德二載正月甲寅自山南東道節
度使永王傳為丹陽太守兼防禦使舊紀至德二載八月
甲申江東採訪防禦使移治杭州別除崔瑒與新書方鎮
表合蓋劉秉之除在其年正月 李廣琛永王璘之敗江
東節度使韋陟以廣琛從永王下江非其本意懼罪出奔
未有所適乃表請拜廣琛為丹陽太守兼御史中丞松江
防禦使以安反側無何有詔令陟赴行在陟以廣琛難承
恩命猶且遲迴恐後變生禍移於陟欲往招慰然後赴召
乃發使上表懇言其急陟馳至歷陽見廣琛且宣恩旨勞
徕行賞陟以自私馬數匹賜之安其疑懼舊唐書按新唐
書陟傳
書韋陟傳載陟表李廣琛為歷陽太守與舊唐書異同然

竊詳韋陟係江東節度使丹陽郡乃其所部歷陽郡係和
州屬淮南路陟職在江東安得表請廣琛為歷陽太守恐
當從舊唐書度此時廣琛雖已拜丹陽太守之命猶遲迴在
淮南之歷陽陟恐為已累故馳至歷陽宣恩旨招慰廣琛
使廣琛至超丹陽治所爾舊唐書載陟解情明白恐新舊
書以陟馳至歷陽之故却以前文拜丹陽太守為疑故載
廣琛為歷陽太守也通鑑至德二載二月戊戌李廣琛方
貳於璘則陟表奏廣琛為丹陽必在劉蕡之後

按舊唐書職官志上州刺史注乾元元年改郡為州州
置刺史續以舊唐書肅宗紀參考自乾元元年八月始
命李廣琛等為刺史與職官志合今考潤州刺史自韋
僕而下得韋元甫韓青韋頊樊晃蕭定馬炫等共七人

而建中二年韓滉則兼鎮海節度浙江東西道觀察事
權始重於前日不侔條列如左

韋僕上元元年十一月新除江淮都統劉展反舊持節都
統江淮節度宣慰觀察使李恆引兵援江拒展僕以節度
觀察副使領潤州刺史與李及浙西節度使侯令儀屯京
口晤見攻守形勢展自上流漸襲下蜀李軍聞之自潰奔
宣城甲午展陷潤州丙寅展以降將宗屏為潤州司馬丹
陽軍使始李之去潤州也副使李藏用謂李曰處人尊位
令人重祿臨難而逃之非忠也以數十州之兵食三江五
湖之險固不發一矢而棄之非勇也無忠無勇何以事君
藏用請收餘兵竭力以拒之李乃悉以後事授藏用收散
卒募壯士與展將張景超殊待封戰於郁聖兵敗奔杭州

長以其將許暉為潤州刺史二年長敗暉死

以通鑑及李本傳唐昭德

寺大碑軒石碑參定

李之鄣統江淮本傳稱係乾元元年則係以副

使刺潤當時李都統江淮之後至上元元年遇展之叛爾

韋元甫歷潤州刺史

新舊唐書

李華復練塘頌序文載永

泰元年十一月韋頌刺潤州元甫為本道觀察使參之舊

唐書代宗帝紀大歷三年元甫以浙西團練觀察使蘇州

刺史為尚書右丞則是元甫自永泰元年至大歷三年皆

以蘇州刺史為觀察使又以舊唐書元甫本傳考雖不載

刺潤却云累遷蘇州刺史浙江西道都練觀察等使大歷

初召為尚書右丞授淮南節度觀察等使在揚州三年至

大歷六年卒則其刺潤當在刺蘇州之前上元二年劉長

已平之後武寶應廣德間

韓育歷潤州刺史

唐昭隱寺大律師碑銘其石碑見存碑於本府壽山寺下前軍墓

銘係唐屯田郎中柳璣撰識之文載於唐文粹者三考新

舊唐傳並不見韓育姓名出處僅登載於此碑風雨剝蝕

靡然獨存此碑載潤州刺史姓名凡四人曰韋儼韓育韋

損樊晃以唐書參考韋儼之後韋損之前合有韋元甫而

此碑獨不登載意元甫非佞佛者但元甫與育未知孰為

先後然以紀傳文集參考元甫歷任恐在育前

韋損永泰元年十一月二十二日銀青光祿大夫領潤州

刺史聲如馳驅先詔而至吏人畏伏男女相賀即日上無

貪剋下無冤憤丹陽縣練塘被百姓築堤橫截以利害白

本道觀察使韋元甫率徒闢之民刻石頌德

華復練塘頌德碑序

碑參定

以唐地志練塘碑及李

樊晃銀青光祿大夫潤州刺史曾集杜甫集六十卷小集
六卷皇甫冉嘗與之登潤州城樓及同遊潤州郡東山有

和樊潤州詩兩篇

以唐藝文志招隱大律
詩碑及潤州類集參定獨孤及集有皇

甫冉文集序文載冉大歷二年以右補闕奉使江表因省
家至丹陽而沒潤州類集亦載皇甫冉省家至丹陽卒盧
綸有哭冉詩則冉與樊潤州登城樓遊泰山當是奉使江
表省家之時又按唐文粹有琴會記載大歷六年浙西觀
察使蘇州刺史兼御史大夫賁皇公抵命朝於京闕春正
月夕次朱方刺史樊公以琴相和賁宣公係李拙筠以舊
唐紀考之拙筠除在八月今琴會所載次朱方月日恐是
七年春正月爾晃刺潤合在肅宗之前然招隱寺大律師
碑銘係建中三年撰文正元五月十一日立碑以唐

紀傳考之撰文乃韓滉刺潤之時立碑乃王緯刺潤之時而碑辭所及前止韋僕後止樊晃中間不及韋允甫向後不及蕭定馬炫韓滉白志正王緯則前後刺潤者其佞佛不佞佛可以概見

蕭定新舊唐書本傳歷袁信湖宋睦五州刺史遷潤州刺史所莅有政聲大歷中有司差天下刺史治最為定與常州刺史文蕭復袁州刺史張鑑為理行第一而劾裴桑均賦稅逋亡歸復戶口增加定又冠馬尋遷戶部侍郎舊唐書張鑑蕭復傳鑑係大歷五年除袁州刺史復係大歷十四年自常州刺史為潭州刺史又按延陵李子廟記蕭定撰書街云時大歷十四年歲次己未八月戊戌朔二十七日甲子正議大天使持節潤州諸軍事守潤州刺史上柱國

賜紫金魚袋新拜尚書戶部侍郎簡陵蕭定字梅臣記定之利潤歷年必多蓋戶口增加等事非歲月可辦

馬炫新舊唐書本傳炫之仲兄建中初為潤州刺史點陟使柳載以清白聞召拜太子右庶子

按乾元元年復為潤州始隸浙西道其節度團練觀察使治所遷徙不常然未嘗治潤也乾元元年則韋黃裳以節度治蘇乾元二年至上元元年則顏真卿侯令儀二人以節度治昇上元二年則李廣琛李琬以節度治宣自大歷三年至大歷十四年則韋元甫李栖筠李涵李道昌韓滉並以團練觀察治蘇建中二年韓滉始自蘇徙潤浙江東西道合而為一又加鎮海之號以重其軍增置節度使以重其權除罷年月如左

韓滉舊唐書德宗紀建中二年夏五月庚寅自浙江西道
為鎮海軍加蘇州刺史授檢校禮部尚書湖州刺史充鎮
海軍節度使浙江東西道觀察等使通鑑六月庚寅以浙
江東西觀察使蘇州刺史韓滉為湖州刺史浙江東西節
度使名其軍曰鎮海興元元年五月加檢校右僕射正元
元年秋七月丙午授檢校尚書左僕射同平章事江淮轉
運使通鑑係興元元年十二月庚辰加滉平章事江淮轉
運使正元元年十一月乙未兩浙節度使韓滉來朝十二
月丁巳以滉兼度支諸道鹽鐵轉運使正元三年二月戊
寅度支鹽鐵轉運使鎮海軍節度浙江東西道觀察等使
檢校左僕射同中書門下平章事晉國公韓滉卒贈太傅
新舊唐書本傳拜蘇州刺史浙江東西都團練觀察使尋

加檢校禮部尚書兼御史大夫潤州刺史鎮海軍節度使
浼既移鎮安輯百姓均其租調不踰月境內稱治帝在奉
天淮汴震駭浼訓練士卒鍛礪戈甲稱爲精勁分兵戍河
南又獻縑十萬足請以鎮兵三萬助討賊有詔嘉勞尋檢
校尚書右僕射封南陽郡公李希烈陷汴州浼擇銳卒令
裨將李長榮王栖曜柏良器破之漕路無梗安靖東南浼
功居多時里胥有罪輒殺無貸人怪之浼曰袁晁本一鞭
笞吏禽賊有負聚其類以反此輩皆鄉縣豪黠不如殺之
用少年者惜身保家不爲惡又聞京師未平恐有渡江之
事築石頭五城造樓船戰艦設寺觀脩塢壁置館第穿深
井俾偏將邱浚督役朝令夕辦又與揚州陳少游臨江大
閱以金繒相餉酬自德宗出幸及歸京師軍用既繁道路

又阻關中饑饉加以災蝗規調發糧帑以濟朝廷府無虛
月當時竇輅馬李晟方屯涇北浼運米饋之船置十弩以
為防援有寇則叩舷相警賊不能剽始漕船臨江浼顧係
吏曰天子蒙塵臣下之恥也乃自奉一囊置舟中將佐爭
負之須臾而畢會有毀浼者上疑之李泌數為浼辨明其
無他上曰善即下泌章令浼子考功員外郎臯謁告歸親
諭以卿父叱有謗言朕今釋然不復信矣因言關中乏糧
令語其父速致之臯至涇州浼感悅流涕即日自臨水瀆
發米百萬斛聽臯留五日即還朝自送至江上召風濤而
遣之陳少游聞浼貢米亦貢二十萬斛上曰李泌曰韓浼
乃能化陳少游亦貢米矣泌對曰豈惟少游諸道將爭入
貢矣時關中兵荒米斗直錢五百及浼米至減五之四二

年春特封晉國公其年十一月來朝加浚江淮轉運使十
二月加度支諸道轉運鹽鐵等使

以通鑑
參定

按通鑑正元三年二月韓琬堯分浙江東西道為三浙
西治潤州又按舊唐紀正元三年二月以白志正為潤
州刺史浙西觀察使與通鑑合

其叙
郡

而新書方鎮表於

正元三年云分浙江東西為二道觀察使治蘇州恐是
傳寫之誤蓋德宗始欲其聚江淮財賦故特創鎮海節
度合東西二浙之權以昇之中間奉天之難雖浚之力
居多緣任重權專誘擯亦不少故浚死始懲其專而分
其權然浙西觀察治所實在潤元不曾徙治蘇州自正
元三年二月以後至永正元年三月丙戌以前觀察使
凡四人曰白志正王緯李若初李錡而錡於永正初復

為鎮海節度使條列如左

白志正舊唐書德宗紀正元三年二月戊寅以果州白志正為潤州刺史兼御史大夫浙西觀察使正元三年六月乙巳浙西觀察使白志正卒通鑑正元三年二月戊寅韓滉薨上以果州刺史白志正為浙西觀察使柳渾曰志正險人不可復用會渾疾不視事卒已詔下用之渾疾間遂乞骸骨不許

王緯舊唐書德宗紀正元三年八月壬辰以給事中王緯為潤州刺史浙西觀察使正元十年十一月乙酉以浙西觀察使王緯為諸道鹽鐵轉運使正元十四年八月甲午浙西觀察使潤州刺史王緯卒新舊唐書本傳進給事中會浙西觀察使闕執政李泌曰浙西賦入尤劇緯清而忠

能惠養民請遣之制可初州縣有韓況時罰錢未入者十八萬緡府吏詣哀為進奉緯上疏願蠲以紓民詔聽之正元十年加御史大夫兼諸道鹽鐵轉運使裴延齡以諸道負錢四百萬緡獻為羨餘以圖寵緯奏此諸州經費大忤延齡意三歲加檢校工部尚書卒贈太子少保緯性勤儉居官以清白稱然好用刻深吏督察巡屬人不聊生

李若初舊唐書德宗紀正元十四年九月乙卯以浙東觀察使李若初為潤州刺史浙西觀察使及諸道鹽鐵轉運使正元十五年春正月甲戌浙西觀察使李若初卒新舊唐書本傳累遷越州刺史浙江東道都團練觀察使十四年秋代王緯為潤州刺史兼御史大夫浙西都團練觀察諸道鹽鐵轉運使時天下錢少貨輕州縣禁錢不出境商

費不通若初始奏縱錢以起萬貨認可若初善於吏道性嚴猛特剛檢下吏民畏服方整理鹽法頗有次叙正元十五年遇疾卒贈禮部尚書

李錡舊唐書德宗紀正元十五年二月乙酉以常州刺史李錡為潤州刺史浙西觀察使及諸道鹽鐵轉運使通鑑永正元年三月丙戌以浙西觀察使李錡為鎮海節度使解其鹽鐵轉運使舊唐書憲宗紀元和二年十月己酉以浙西節度使李錡為左僕射新舊唐書本傳方閑既官范使李齊運用事錡以貶數十萬結其歡薦之於上自杭州二州刺史遷潤州刺史浙西觀察諸道鹽鐵轉運使錡刻剥多積奇寶歲時奉獻德宗昵之因恃恩驕恣天下權酒漕運錡得專之故朝廷用事臣錡以利交餘皆乾沒於私

國計日耗浙西市衣崔善正上書闕下暴其罪帝械以賜
錡錡聞其將至預浚大坎於道傍至則并鎖械納坎中生
瘞之聞者切齒錡復改為自全計增廣兵衆隨身以胡襄
雜類虬髯為一將號番客健兒皆錡腹心康給十倍使號
錡為假父故樂為其用永正元年復鎮海軍以錡為節度
使罷領鹽鐵轉運錡雖失利權而喜得節旄暴虐日甚屬
吏死不以過甚衆寡佐力諫不能得遽遁去憲宗即位錡
不自安三請覲有詔拜尚書左僕射錡屢遣行期上表稱
疾上以問宰相武元衡曰陛下初即政錡求朝得朝求止
得止可否在錡將何以令四海上以為然下詔召之錡計
窮遂謀反制以淮南節度使王錡統諸道兵討之其將張
子良執錡械送京師初戶部侍郎張洎諸道鹽鐵轉運

使後潤州刺史王緯代之理於朱方數年錡又代之鹽院
津堰改張使利不知紀極私路小堰厚斂行人多自錡始

以吾食貨志
通鑑參定

王澹新唐書憲宗紀元和二年十月鎮海軍節度使李錡
反殺留後王澹新舊唐書本傳憲宗即位二年錡求入朝
上遣中使至京口慰撫且勞其將士錡雖立判官王澹為
留後實無行意屢違行期澹與敕使數勸諭之錡不悅而
反王澹既掌留務於軍府頗有制置錡益不平密諭親兵
使殺之會頒冬服錡嚴兵坐帷中澹與敕使入謁有軍士
數百譟於庭曰王澹何人擅主軍務曳下燭食之以通鑑
參定
新唐書方鎮表載元和二年升浙西觀察為鎮海軍節度
通鑑考異詳之已詳然李錡既誅節度使又除李元素韓

三才圖會

— 11 —

韓皋舊唐書憲宗紀元和三年二月己丑以武昌軍節度使韓皋為潤州刺史鎮海軍節度浙西觀察使元和五年正月己巳浙西觀察使韓皋封杖決安吉令孫澥致死有乖典法罰一月俸料新舊唐書本傳拜尚書右丞嫉王叔文用事叔文怒出皋為鄂岳蘄沔觀察使叔文敗即拜節度使鎮海四年七月封杖決湖州安吉縣令孫澥四日致死時元稹以監察御史分務東台劾奏皋云孫澥官恭字

人一邑父母白狀追攝過犯絕輕觀察使職在六條訪察
事有不法即合具狀奏聞封杖決巡內官吏典法無文數
日致死有傷和氣請明典憲嚴加禁斷五年春正月己巳
勅舉備歷中外合遵典憲有北乖越良所撫然到一月俸
料然舉大抵以簡儉治所至有績後入為戶部尚書

德宗紀元鎮
大慶集參定

唐以舊
書

按舊唐紀元和五年十一月浙西奏當鎮舊有丹陽軍
今請併為鎮海軍係薛平到後奏請故元和六年十月
有潤州鎮海軍使額宜傳之文與新書方鎮表載元和
六年浙西觀察罷領鎮海軍使合則是韓皋之後罷節
度為觀察分明然元和五年正月韓皋罰俸時已係觀
察使若問濟美係浙西觀察亦合在韓皋之後今姑以

濟美列於薛平之前又自元和五年八月至大和八年十一月得七人曰薛平李絳竇易直李德裕李璣丁公著王璠內李德裕以大和九年及開成間又再守潤不免合其三到履歷聚為一傳以見其始末

開濟美新舊唐書本傳正元末自婺州刺史福建觀察使徙潤州刺史浙西觀察使所至以簡易為理兩地之人常賦之外不知其他初諸道長吏罷還者取本道錢為進奉帝因敕令一切禁止而山南節度使柳晟與濟美啓格詔輸獻御史中丞盧坦劾奏帝諭坦曰二人所獻皆家財朕已許原不可失信坦曰所以布大信者敕令也今二臣違詔陛下奈何以小信失大信乎帝曰朕既受之奈何坦曰出歸有司以明陛下之德帝納之蓋濟美之罷浙西也方

在道見詔而貢獻無所還致帝為言之

以新舊唐書
盧坦奏彈前山

按通鑑元和三年二月辛亥御史中丞盧坦奏彈前山
南西道節度使柳晟前浙東觀察使閩濟美違敕進奉
而考異又持辨此事以為新舊唐書閩濟美傳皆誤合
從實錄云離越州後方見赦文則是浙東分明若從唐
傳則新舊唐書帝紀皆無濟美刺潤州觀察浙西除罷
年月況舊紀自建中至元和潤州刺史除罷甚明通鑑
斷然從實錄係之於元和三年二月則與舊紀除韓皋
年月同濟美不當作浙西矣溫公必有所見蓋溫公脩
通鑑亦不專從實錄如昭宗景福二年九月錢鏐為鎮
海節度使實錄云仍徙鎮海軍鎮於杭州溫公則按吳
越脩史以辨實錄之誤今於濟美乃以為浙東而專主

實錄其考訂必詳是非必公難以臆見附入浙西但前
志已據詳符圖經編載今不敢刪去姑核唐傳綴之於
此

薛平舊唐書憲宗紀元和五年八月乙亥以浙東觀察使
薛平為潤州刺史新舊唐書本傳憲宗時自湖南觀察使
徙浙東以治行遷浙江西道觀察使加御史大夫累封河
東郡公廉風俗守法度人甚安之理身儉薄嘗衣一綠袍
十餘年不易因加賜朱紱然後易去歷三鎮凡十餘年家
無聲樂所得俸祿悉以分散親屬故人而無餘藏除左散
騎常侍年七十致仕是時有年過垂車而不知止者唯平
年至而無疾請告南巾束洛時甚高之

李衛舊唐書憲宗紀元和十一年冬十月庚午以京兆尹

李儋為潤州刺史浙西觀察使以儋嘗監計司能聚斂方
稽供軍政有斯授元和十四年三月庚寅浙西觀察使李
儋卒新舊唐書本傳儋不知何許人進京兆尹專聚斂以
固恩寵帝以浙西重鎮號為殷阜改梧槽遺利乃以儋為
潤州刺史浙西觀察使今設法鳩聚財貨淮西用兵頗賴
其賦元和十四年以病求還京師未朝謁而卒士有相賀
者

竇易直舊唐書憲宗紀元和十四年五月己亥以宣歙觀
察使竇易直為潤州刺史充浙西觀察使長慶二年七月汴州將李
齊遂其帥李愿易直聞汴州亂而懼欲散金帛以賞軍或
曰賞給無名却恐生害乃止而外已有知之者時江淮旱

木茂轉運使錢希委積不能漕大將王國清指漕貨激衆
謀亂先事有告者乃城國清下獄其黨數千羣譴入獄奏
取之因欲大剽易直登樓令曰能誅為亂者一級賞千萬
衆喜反縛為亂者三百餘人并擒國清新之九月以李德
裕代遂為吏部侍郎

以通鑑
參定

李德裕舊唐書穆宗紀長慶二年九月癸卯以御史中丞
李德裕為潤州刺史兼御史大夫浙西道都團練觀察處
置等使以代甯易直衛公年譜寶歷二年有造三聖像紀
其銜乃正議大夫持節潤州諸軍事守潤州刺史兼御史
大夫充浙西道都團練觀察處置等使上柱國贊皇孫開
國男食邑三百戶賜紫金魚袋舊唐書文宗紀大和元年
九月丁丑浙西觀察使李德裕就加檢校禮部尚書大和

三年秋七月乙巳以浙西觀察使檢校禮部尚書李德裕
為兵部侍郎大和八年十一月乙亥以兵部尚書李德裕
檢校右僕射充鎮海軍節度浙江西道觀察等使舊唐書
本傳係檢校尚書左僕射潤州刺史鎮海軍節度蘇常杭
潤觀察等使大和九年夏四月丙戌以鎮海軍節度使浙
西觀察等使李德裕為太子賓客分司東都開成元年十
一月庚辰以太子賓客分司東都李德裕檢校戶部尚書
充浙西觀察使開成二年五月丙寅以浙西觀察使李德
裕檢校戶部尚書兼揚州大都督府長史充淮南節度使
新舊唐書本傳德裕吉甫之子長慶二年為御史中丞李
建吉欲引僧儒同相懼德裕集中沮之九月出德裕為浙
西觀察使潤州承王國清亂前使賓客易直傾府庫資軍資

用空彈而下益驕德裕自檢約以留州財贍兵雖儉而均
故士無怨二年之後賦興復某南方信機巫雖父母孺疾
子棄不敢養德裕諭以孝慈大倫并風頓革按祠廟非經
祠者毀千餘所撤私邑山房千四百六十寇無所廋蔽人
樂其政天子下詔褒揚敬宗立詔浙西上脂蓋粧具又索
盤條縑綾千疋德裕論奏優詔為停語見土貢徐州王智
興於泗州築壇渡僧德裕劾奏禁齋民祿山渡江者有詔
禁止寶歷元年上丹宸六歲曰宵衣正服罷獻納海辨邪
防微辭皆明直婉切帝雖不能用命學士韋處厚殷勤奏
詔謝竟為達言排宰訖不內從是年德裕有遊北固山詩
尤鎮和之云自公鎮南徐三換營門柳寶歷三年亳州浮
屠純言水可愈疾號曰聖水南方住汲者互相欺誅德裕

於蘇山渡嚴勒津邏捕絕狂人社景先上言其友周惠元
壽數百歲帝遣宦者往湖州迎之至京師館之禁中山亭
德裕又論奏後惠元誕誕不情文宗即位逐之大和三年
召拜兵部侍郎裴度薦才堪宰相而李宗閔以中人助先
秉政且德口出德裕鄭滑踰年徙劍南西川大和六年召
為兵部尚書七年以本官平章事八年罷相尹興元復為
兵部尚書十一月乙亥授檢校右僕射充鎮海軍節度浙
江西道觀察等使劉夢得有送德裕赴鎮詩二首中有聯
云鳳從池上遊滄海鶴到遼東城舊業又云建節東行是
舊遊歡聲喜氣滿吳州郡人重得黃丞相童子爭迎郭細
侯詩引亦云公頃廉問江南已經七載後歷滑台劍門兩
鎮遂入相今復領舊地新加旌旄九年四月丙戌授太子

賓客分司東都貶素州長史開成元年利滁州十一月庚辰授檢校戶部尚書復充浙西觀察使德裕三在浙西出入十年五月丙寅授檢校戶部尚書兼揚州大都督府長史充淮南節度使據德裕獻替記云自唐有國二百餘年未嘗有自濶達揚州者況兩地皆是舊封倍懷榮感蓋德裕祖文獻公栖筠大歷二年曾以蘇州刺史兼浙西團練觀察使而忠懿公言甫嘗為淮南節度使二鎮皆父祖舊治故云

以李德裕公年譜參定

李璿大和三年七月浙西觀察使李德裕召為兵部侍郎以李璿為留後李德裕新舊唐書本傳初德裕為浙西觀察使諱王傳母杜仲陽坐家中錫事故歸金陵詔德裕存處之會德裕已離浙西在道奉詔書至宿州聞仲陽已過

遂牒留後李錡令依詔旨處分後至大和九年三月王璠
與李漢鄭注誣奏德裕德裕得罪分司東都至開成元年
冬德裕再授觀察浙西因供奉官梁承敏送官詰至德裕
具錄得令安存仲陽詔白及至宿州牒留後李錡并奏狀
附承敏封進上覽狀歎患

以德裕參定

丁公著舊唐書文宗紀大和三年秋七月乙巳以禮部尚
書翰林侍講學士丁公著檢校戶部尚書兼潤州刺史充
浙西道觀察使大和六年八月壬申以浙西觀察使丁公
著為太常卿舊唐書本傳穆宗即位以青宮之舊自給事
中遷工部侍郎知吏部選事公著知將大用以疾辭求外
官遂觀察浙東徙河南尹遷尚書右丞轉兵部吏部遷禮
部尚書上以浙西災寇求良帥命檢校戶部尚書領之詔

賜米七萬石以賑給浙民賴之改授太常卿新唐書本傳
自浙西徙河南四遷禮部尚書長慶中浙東災厲拜觀察
使詔賜米七萬斛使賑濟與舊唐書傳先後不同然改舊
唐書帝紀長慶元年為給事中是年十月出觀察浙東竇
歷二年自右丞為兵部侍郎大和二年自吏部侍郎為禮
部尚書三年為湖州刺史六年五月浙西丁公著奏杭州
八縣災疫賑米七萬石是年八月除太常卿九月丁未卒
歷歷可考與傳無少差非自浙西徙河南賜米七萬賑饑
亦非在浙東也

王璠舊唐書文宗紀大和六年八月乙丑以尚書左丞判
太常卿王璠檢校禮部尚書湖州刺史浙西觀察使新舊
唐書本傳自左丞判太常卿事出為浙西觀察鄭注李訓

薦之八年自浙西觀察使召還復拜尚書左丞訓敗與子
遐休俱死方瑄在浙西因濬其城既鑿深數尺役人得一
方石銘十二字云山有石石有玉玉有瑕瑕即休瑄命蔡
佐辨之莫析其旨京口老人講之曰此石非尚書吉兆也
且公之先曰蓋蓋生礎以文而觀是山有石也礎生瑄是
石有玉也瑄之子曰遐休是玉有瑕瑕即休休者絕之兆
其絕緒乎

以通鑑太平
廣紀參攷

按王瑄之後李德裕再以兵部尚書鎮潤朝廷欲重其
權故復加鎮海節度使寵之緣王瑄李漢等誣奏遂得
罪至竄竦之除遂廢節度為觀察路隋以宰相出典故
復帶節度使參之新書方鎮表云大和九年復置鎮海
軍節度使者正以八年冬李德裕再鎮潤也又云數日

發者賈鍊之除觀察使僅得七日也又云既而復置者
再除路隋為節度使也又云踰月又發者路隋至是年
七月卒又除崔師為觀察使也德裕再除已條列在前
自賈鍊而後條列如左

賈鍊舊唐書文宗紀大和九年四月辛卯以京兆尹賈鍊

為浙西觀察使四月戊戌以新浙西觀察賈鍊為中書侍

郎同中書門下平章事

新唐書宰相表同平章紀作新江新

舊唐書本傳連京兆尹坐奪俸鍊不勝悲恥之求出詔以

為檢校禮部尚書潤州刺史浙西觀察使制出未行戊戌

拜中書侍郎同平章事

以通鑑

路隋舊唐書文宗紀大和九年夏四月丙申以太子太師

門下侍郎平章事路隋為鎮海軍節度浙西觀察等使新

書宰相表系除檢校尚書右僕射平章事鎮海軍節度使
大和九年秋七月壬戌鎮海軍節度使路隋卒新舊唐書
本傳初王璠李漢誣奏李德裕厚賂杜仲陽陰結漳王園
為不軌上怒甚召宰相路隋王涯李固言及璠漢鄭注等
面證其事璠漢等極口誣之隋曰德裕實不至此誠如璠
漢之言微臣亦合得罪韋綸稍息李德裕連貶至來州長
史隋不發奏狀始為鄭注所忌九年四月拜檢校尚書右
僕射同中書門下事兼潤州刺史鎮海軍節度浙江西道
觀察等使大和九年七月遇疾於路薨於揚子江之中流

以通鑑
參定

崔郾舊唐書文宗紀大和九年秋七月辛酉以鄂岳觀察
使崔郾充浙西觀察使樊川集崔郾行狀列銜云銀青光

陳大夫檢校禮部尚書御史大夫充浙江西道都團練觀察處置等使開成元年十一月庚辰浙西觀察使崔師卒新舊唐書本傳自鄆岳安黃蘄中等州觀察使移浙江西道都團練觀察使加禮部尚書師曰三吳者國用半在焉因馬為旱因下為水者六歲矣輕賦兵役不減於民上田沃土多歸豪強苟悅所謂公家之惠優於三代豪強之酷甚於亡秦今其是也於是科民等第籍地沃瘠均其征賦一其徭役經費宴賞約事裁節民有宿逋不可減於上供者必代而輸之城構山川歲獲大稔復曰衣冠者民之主也自艱難以來軍士得以氣加之商賈得以財侮之不能自奮者多栖於吳土遂立延賓館以待之苟有一善必接盡禮因訪里閭益知民之疾苦隨以治之才逾期歲而吳

民復振開成元年十月二十日薨於治所多士相弔曰使
即相天子正觀開元之俗可期而見也豈即不幸實生民
之不幸也贈吏部尚書

以興川果部
行狀參定

盧商舊唐書文宗紀開成二年五月卒未以蘇州刺史盧
商為浙西觀察使新舊唐書本傳開成初自蘇州刺史鹽
球增倍軍相上其勞績遷湖州刺史浙西團練觀察使召
為刑部侍郎

按崔郎之後係李德裕再以觀察使鎮潤已併列於前
德裕之後係盧商舊唐紀與唐傳已明載之但盧商之
罷湖州無年月自開成二年以後至咸通三四年以前
漫不可考今於新唐書列傳資治通鑑太平廣記得七
人用舊唐書紀傳新書方鎮表旁考互證粗有次序前

五人係觀察使曰盧簡辭鄭明李景遜崔瑤敬晦至李
琢則復為鎮海節度使蕭真又復為觀察使條列辨證
如左

盧簡辭新唐書本傳李程鎮太原表為節度判官入授考

功員外郎累擢湖南浙西觀察使新舊唐書紀及新唐書

之時實寶歷二年九月簡辭出為程判官入授考功員外郎又累擢而後罷

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

又累擢而後罷湖南浙西觀察使新舊唐書紀及新唐書

以前嘗為珠璣大夫舊唐書鄭明傳載明達珠璣在開成
四年而新傳載明自珠璣為侍講亦四五進方至浙西度
必在會昌或大中初與李景遜
相先後今姑列於李景遜之前

李景遜通鑑會昌六年九月以右散騎常侍為浙西觀察
使新舊唐書本傳母鄭氏性嚴明景遜宦達髮已斑白小
有過不免捶楚及觀察浙西母問行日景遜率然對有日
鄭曰如是吾方有事未及行蓋怒其不嘗告也且曰已責
何用母行景遜重請罪乃赦有左都押牙達景遜意景遜
伏之而斃軍中忽忽將為變母聞之景遜方視事母出坐
廳事立景遜於庭而責之曰天子付汝以方面國家刑罰
豈得以為汝喜怒之資妄殺無罪之人乎萬一致一方不
寧豈惟上負朝廷亦使百歲母銜羞入地何以見汝之先
人乎命左右扯其衣坐之將捷其背將佐皆為之再拜請

不許皆泣謝久乃釋之軍中由是遂安

以通鑑參定

崔瑤新舊唐書本傳郎之子大中六年知貢舉旋拜禮部

侍郎出為浙西觀察使

以崔郎傳參定

敬晦新唐書本傳大中中歷御史中丞刑部侍郎諸道鹽鐵轉運使浙西觀察使時南方連饑有詔弛糴酒茗官用告乏晦處身儉勤貲力遂充徙充海節度使

崔瑤敬晦二人觀察浙西雖皆在大中年未知孰為先後但崔瑤自知貢舉再遷而觀察浙西敬晦自御史中丞三轉而為浙西觀察姑以此次序然未敢臆斷也

李琢新唐書本傳琢以家閥擢鎮海節度使無顯功不為士大夫稱道李琢節度鎮海未詳何時然按累邑王神符孫李從晦傳甘露之禍御史中丞李本被誅從晦以族

昆弟耽閬州司戶果遷常州刺史鎮海軍節度李琢表其
此又按李景遜傳李琢罷浙西以同里訪之避不見景遜
以會昌六年觀察浙西中間又有崔瑗敬晦則琢之為鎮
海節度當是大中之末又按新書方鎮表大中十二年復
置鎮海軍節度使疑琢節度鎮海必是此時蓋以李從晦
李景遜參考又方鎮表通相合姑列於敬晦之次

竇真歷浙西觀察使太平廣記云真揚歷清途自浙西觀
察使入判戶部非久遂居節廟如開成中喜聽聲揣骨口
口口之言唐宰相表咸通五年四月兵部侍郎判戶部蕭
真本官同中書門下平章事以太平廣記參之自開成間
真揚歷清途然後觀察浙西入判戶部却不言為兵部新
書蕭復傳後載真咸通中位宰相無顯功吏逸其傳則其

觀察浙西年月不可詳然考唐方鎮表大中十三年廢鎮
海節度使置都團練觀察使疑真之觀察浙西當在此時
蓋前有李琢為節度合方鎮表大中十二年復置鎮海節
度之文後有杜審權為節度合方鎮表咸通三年置鎮海
節度之文中間為觀察疑為蕭真立文按舊唐紀自開成
二年五月授盧高浙西觀察使之後至咸通五年二月方
有除杜審權之文然審權復為節度使矣八年三月楊收
又復為觀察使然新舊唐書專與通鑑却以楊收為宣歙
觀察已逐段辨證在後自咸通十一年至光啟三年雖皆
為節度使而中間裴璩僅見於新唐紀通鑑及本府武烈
帝廟碑自文德以後至景福二年新舊唐紀傳皆無可考
如李順節亦見於別傳今用通鑑考出數人景福二年李

錢鏐雖見於舊唐紀鎮海軍額移於杭州通鑑五代史
又自以為光化元年方徙蓋唐僖昭間潤自周寶被逐之
後已為羣盜所據朝廷除命不行錢鏐自以阮結為制置
使至天祐二年以後揚行密始明據之自以王茂章為團
練使四十二三年間刺字不能盡考自杜審權楊收而下
得十三人曰曹確趙隱裴瓌高駢周寶阮結成及李順節
安仁義李勣錢鏐王茂章李德誠條列如左

杜審權舊唐書懿宗紀咸通五年二月以門下侍郎兵部
尚書平章事杜審權為潤州刺史浙江西道節度使按新
唐書宰相表係咸通四年五月戊子為檢校吏部尚書同
平章事鎮海軍節度使與通鑑年月同而新書方鎮表於
咸通三年云置鎮海軍節度使八年三月以浙西觀察使

杜審權守尚書左僕射

上同

新舊唐書本傳九年罷率檢校

司空兼潤州刺史鎮海軍節度使蘇杭常等州觀察使時

徐州戍將龐勳據徐泗大援淮南審權與淮南節度令狐

絢荆南節度崔鉉奉詔出師將用討賊審權遣都頭翟行

約將四千人救泗州賊逆擊於淮南行約及士卒盡死又

遣押牙趙翼同平璩將甲士與淮南共輸米鹽救泗州至

楚州徐賊水陸布兵鎖斷淮流浙西軍憚其強不敢進璩

乃募選軍中敢死士燂補職名先以米舟三艘鹽舟一艘

乘風逆流直進賊夾攻之天著舟板如惠雨及璩帥衆

死戰斧斷其鎖乃得過域上人望舟師張帆自東來識其

旗浙西軍也隨運不絕遂破龐勳進檢校司空入為尚書

左僕射制曰審權頃罷機務鎮於金陵值淮夷猖狂干戈

博起累發猛士徃使賊鋒廣俗糧種助茲軍食深惟將相之大體頗觀文武之全才王導以清澹之名不忘戎事謝安以恬澹之德亦在兵間

以通鑑參定

按舊唐紀載舊權鎮潤係咸通五年二月而舊唐書本傳却云九年是紀傳白為抵牾新唐傳載舊權進檢校司空入為尚書左僕射無年月而新書宰相表則九年事亦不可考故書以存疑

楊牧舊唐書懿宗紀咸通八年三月以門下侍郎兼戶部尚書平章事楊牧檢校兵部尚書充浙江西道觀察使九年十月貶浙西觀察使楊牧為端州司馬

按新舊唐書本傳及通鑑並載牧係宣歙觀察使則舊唐書紀傳白為異同然舊紀兩處該載明白兼新書方

鎮來咸通八年廢鎮海軍節度使與舊紀楊收為浙西
觀察使相合姑存之

曹確舊唐書懿宗紀咸通十一年三月左僕射門下侍郎
同平章事曹確以病求免授檢校司空平章事兼潤州刺
史充浙江西道觀察等使新書宰相表確係檢校司徒同
平章事鎮海軍節度使新舊唐書本傳在相位六年罷相
檢校司徒平章事潤州刺史鎮海軍節度觀察等使以出
師扞罷勛功就加太子太師後徙河中按新書方鎮表咸
通十一年置鎮海軍節度使正合除確之年

趙隱舊唐書僖宗紀乾符元年三月以中書侍郎刑部尚
書同平章事趙隱檢校吏部尚書潤州刺史浙江西道部
圖缺觀察等使新書宰相表係二月癸丑授檢校兵部尚

書鎮海軍節度使新舊唐書本傳僖宗初罷相檢校兵部

尚書潤州刺史浙西觀察等使

新傳作鎮海軍節度使

狼山鎮遏使王

郢等六十九人有戰功隱芻以職名而不給衣糧郢等論

訴不獲遂劫庫兵作亂行收黨衆近萬人攻陷蘇常乘舟

往來泛江入海轉掠二浙南及福建大為人患隱坐撫御

失宜下除太常卿

以通鑑參定

裴瑒新唐書僖宗紀乾符三年七月辛巳鎮海軍節度使

裴瑒及王郢戰敗之通鑑四年二月王郢橫行浙西鎮海

節度裴瑒嚴兵設備不與之戰亟召其黨朱實降之散其

徒六七千人輸器械二十餘萬舟航衆帑稱足初以實為

金吾將軍於是郢黨離散賊衆皆平

按本府武烈帝廟碑乾符二年突陣將王郢等潛思恬

亂尚書河東裴公坐鎮金陵云云又廟碑後奉勅係四年正月十日中書門下牒浙西觀察使按此則王郢之亂始於乾符二年趙德撫御失宜致以據代之據以尚書鎮潤正二三年間據未成功當備於廟王郢既平據乞廟謚政四年有此牒與新紀及通鑑年月皆合但牒云浙西觀察使而新紀通鑑稱節度使當是如韓泂李德裕諸公併帶浙西觀察鎮海節度之銜

高駢舊唐書僖宗紀乾符四年六月以宣歙觀察使高駢檢校司空兼潤州刺史鎮海軍節度蘇常杭潤觀察處置江淮鹽鐵轉運江西招討等使按通鑑五年四月曹師雄寇湖州裴球遣兵擊破之是年六月方以駢為鎮海節度舊紀云四年六月除駢不同又新舊唐書本傳并通鑑云

自荆南徙鎮海舊紀云白宣獻不同新唐書紀六年正月
鎮海軍節度使高駢為諸道行營兵馬都統舊唐書紀六
年十月以鎮海軍節度浙江西道觀察處置等使高駢檢
校司徒同平章事揚州大都督府長史充淮南節度副大
使知節度事江淮鹽鐵轉運江南行營招討等使進封燕
國公食邑三千戶新舊唐書本傳時卒賊王仙芝陷刑襄
仙芝徒黨皆郢人天子以駢前鎮郢軍民畏服故授駢京
口節鉞以招懷之駢遣將張濬梁紘分兵窮討降其驍帥
畢師瑤秦彥季罕之許勅等數十人賊走嶺表帝美其功
加諸道行營兵馬都統江淮鹽鐵轉運等使又詔駢料官
軍義營鄉團歸其老弱傷夷裁制軍食刺史以下小罪輒
罰大罪以聞進位檢校司徒徙淮南節度

以通鑑
參定

按本府武烈帝廟碑云屬災流濮上盜掠江東丞相司徒燕國公移從荆渚代撫吳民此段所指雖無姓名然其銜丞相司徒燕國公以其時考之所謂盜掠江東正係駢遠將張濟梁續分兵窮討降其驍帥鐸等之時也廟之復興始於裴瑒成於高駢故載二公為詳碑見存於城南報恩寺東

周竇舊唐書僖宗紀乾符六年十一月以神策大將軍周竇檢校尚書左僕射兼潤州刺史鎮海軍節度浙江西道觀察等使光啓三年二月乙巳朔潤州牙將劉浩度支使薛明同謀逐其帥周竇自稱留後上同按新唐書紀三年五月癸巳鎮海軍劉浩逐其節度使周竇度支催勸使薛明自稱知府事與舊紀劉浩自稱留後不同新唐書本傳黃

策傳宣歙竇自涇原節度徙鎮海節度兼南面招討使加
檢校司空時羣盜所在盤結竇紘卒自守發杭州兵戍縣
鎮中和二年進同中書門下平章事兼天下租庸副使竇
和裕喜接士以京師陷賊將赴難益募兵旣後護都竇子
瑛統之尋不能馭軍部伍橫肆竇亦稍惑聲色不卹事初
竇與淮南節度高駢俱出坤策軍駢以兄事竇及駢先責
有功浸輕之既而封壤相鄰數乎細故遂有隙帝在蜀淮
南絕貢賦謾言通浙西為竇割阻帝知其誣不直駢駢檄
竇入援京師竇喜治舟師將赴之或曰高公幸朝廷多致
有併吞江東之志聲云入援其實未必非圖我也宜為備
竇未信使人覘駢外無北上意會駢使人約會金山面議
軍事謀執竇竇辭疾不往謂使者曰平時且不聞境上會

況上蒙靈宗廟焚辱尊高當時即由是遂為深仇會後樓
兵浸驕不可制索給倍於鎮海軍軍皆怨竇蔡羅城二十
餘里建末第人苦其役竇與僚屬宴後樓有言鎮海軍怨
望者竇曰亂則殺之度支催勸使薛明以其言告所善鎮
海軍將劉浩戒之使武士卒浩曰惟反可以免死耳是夕
竇醉方寢浩帥其黨作亂攻府舍而焚之外兵移關火照
城中竇驚起徒跣叩笑答門呼後樓兵後樓兵亦反矣竇
帥家人步走出青陽門遂奔常州士大掠官屬崔綰陸錡
田倍皆死浩奉薛明入府推為留後領府事竇先兼租庸
副使城中貨財山積是日盡於亂兵之手高駢聞竇敗列
牙受賀遣使饋以盞粉竇怒擲之地

以通鑑
參定

阮結通鑑文德元年正月丙寅錢鏐新明剖其心以祭周

竇以阮結為潤州制置使

按新唐書本傳及通鑑竇以光啓三年十二月乙未卒於杭州錢鏐以杜陵守常州命阮結等進攻潤州丙申克之劉浩亡不知所往薛明以歸文德元年正月錢鏐斬明以竇竇使阮結守潤州則結為制置出於錢鏐之命故新唐書僖宗紀文德元年正月丙寅書薛明伏誅錢鏐陷潤州

成及通鑑龍紀元年五月甲辰潤州制置使阮結卒錢鏐以靜江節將成及代之

李順節大順初天武部頭李順節恃恩頗橫不期年領浙西節度使俄加平章事謝曰臺吏中中書稱天武相公衙前準例班見百條孔緯時為宰相判止之順節心快快他

日見孔緯言之緯曰必知公懷也若須此儀侯去都頭二字乃可順節漸結不敢言

以新舊唐書孔緯傳參定

順節節度新西當

是送領未必之鎮然命出於朝廷不可不益載

安仁義通鑑景福元年秋七月楊行密表安仁義守潤州八月以仁義為潤州刺史仁義以沙陀叛將奔淮南楊行密大喜屬以騎兵使在田頔右兩人名冠軍中共攻常州殺刺史杜稜錢鏐方屯潤州一夕潰會孫儒南畧貽書仁義通好以疑行密行密待益厚除行軍副使乃表仁義為潤州刺史會田頔詔書行密願上天子常賦行密不從頔絕行密仁義與頔達和攻昇州刺史李神福大破頔將王璠仁義焚東塘戰艦夜攻常州不克轉戰至夾岡立二櫓畔甲而息進兵莫敢嚮行密遣將王茂章攻潤州仁義以

善射冠軍中又治軍嚴善得士心戰卒數百濠梁不設開
門關先告所當中然後射之茂章等不敢與角行密遣使
謂曰吾不忘公功能自歸當復為行軍副使仁義欲降其
子固諫乃止茂章為地道入城遂先之仁義以家屬保城
樓來不敢逼先是攻城諸將見仁義輒罵之惟李德誠不
然至是仁義召德誠登樓謂曰汝有禮吾今以為汝功且
以安妥贈之乃擲弓於地德誠投之而下以新唐書四
傳及通鑑參定

仁義與顧為刺史皆出於行密表奏顧能責行密上常賦
於天子與仁義復叛之二人名義甚正故史臣傳顧於新
史以仁義附見則仁義刺潤終始為吾臣

李鋌舊唐書昭宗紀景福二年三月庚子制以權德鄧頤
李鋌為潤州刺史鎮海軍節度使加特進同平章事今赴

鎮海軍權按通鑑係景福二年閏五月攻吳則云是時安仁義已據潤州鉉安得赴鎮蓋當時朝議以李茂正傲侮王命武臣難制故但欲罷其軍權其實不至鎮而返錢鏐舊唐書昭宗紀景福二年九月丙寅以武威軍防禦使錢鏐為鎮海軍節度浙江西道觀察處置等使仍移鎮海軍鎮於杭州按通鑑考異時安仁義在潤州鏐安得赴鎮又引吳越備文駁實錄誤語見叙郡今按五代史舊唐書止據實錄也歐陽公修方鎮表却係景福二年徙鎮海節度治杭州得非仍舊唐紀與實錄之誤乎

王茂章新唐書楊行密傳天祐二年行密遣將攻拔潤州殺安仁義以王茂章為潤州團練使按通鑑天復三年八月行密以仁義舉兵已用茂章為潤州行營招討使擊仁

義仁義勇決得士心踰年不克至天祐二年正月茂章來
其急穴地道而入方克潤州是時朱全忠雖強唐猶未亡
茂章為潤州出於行憲之命已不知有唐矣仁義與田頔
舉兵逆順甚明但唐之威令不振仁義勢孤為茂章所破
通鑑天祐二年九月行憲以潤州圍練使王茂章為宣州
觀察使茂章既為潤州行憲登城見茂章營第曰天下未
定而茂章居寢僻然渠肯為我忘身乎茂章遽毀榻行憲
病篤召將吏付家事長子宣州觀察使溫因以王茂章代
之使溫急還

以新唐書楊行憲
傳及通鑑參定

李德誠南唐書本傳德誠擒安仁義於潤州以功拜潤州
留後李建勳傳初德誠守潤州秉燭夜出候者以聞而徐
溫疑其有變徙鎮江州德誠猶不自安乃遣子建勳入謁

溫溫見之嘆曰有子如是非惡人也按仁義初敗以德誠
有禮安首於德誠使為功則是王茂章雖能穴城而入擒
仁義者實德誠之功也然自天祐二年茂章自潤易宣之
後至梁開平四年五月徐潤始領潤州觀察使乾化二年
溫又領潤州刺史鎮海軍節度使按開平四年楊行密次
于隆演猶用唐正朔即天祐七年去天祐二年首尾六載
徐溫未領潤州以前唐傳與五代史皆不載何人守潤則
南唐書載德誠拜潤州留後先是茂章為宣州觀察時況
李建勳傳明載德誠守潤東燭夜出徐溫疑其有變則是
徐溫東吳收時分明德誠既徙鎮江州故溫領潤州觀察
使也

天祐二年吳猶用唐
正朔至今州之唐末

五代潤州刺史

五代合五十餘年有梁唐晉漢周之異而潤州實為吳與南唐所有南唐至太祖開寶八年方歸版圖則其有潤計七十年然紀年以五代為正自後梁開平二年以後得十八人曰徐溫徐知誥徐知誅徐知詢徐知珣盧文進王與馬仁敏宋齊邱徐運亨金全燕王李其林仁肇趙宣輔嚴續尚全恭盧絳劉澄羅節虔觀察團練使權園練事大都督安撫使權潤州事召緝間有不同其實皆在潤州條列如左

徐溫通鑑後梁開平二年五月為浙西觀察使鎮潤州開平二年五月溫起復為內外馬步都軍使領潤州觀察使二同正明元年八月庚戌吳以鎮海節度使溫為管内水陸馬步諸軍都指揮使兩浙都招討使守侍中齊國公鎮潤

州以昇潤常宣歙池六州為巡屬軍國庶務參決如故上
本傳初溫與張顥皆行盜舊將有立涯之功涯死溫顥約
分其地以臣於梁顥欲背約自立溫患之用其客蘇可求
計立行憲次于隆演顥由此與溫有隙諷隆演出溫潤州
可求謂溫曰今捨牙兵而出外郡禍行至矣溫驚曰奈何
可求曰請為公圖之因往見顥曰公出徐公於外人皆謂
公欲奪其兵權而殺之多言亦可畏也顥曰右牙欲之非
吾意也事已行矣安可止乎可求曰甚易也明日邀顥與
諸將詣溫可求陽言溫曰公楊氏宿將今初嗣新立多事
之時乃求居外以苟安乎溫亦陽謝曰公等見留不願去
由是不行顥使客夜刺可求不能中明日可求詣溫謀先
殺顥因以弑惡之罪歸之溫由是顥政時梁開平二年也

至開平四年五月溫母周氏卒未幾起復為內外馬步都
軍使領潤州觀察使乾化二年遷行軍司馬潤州刺史鎮
海軍節度使同中書門下平章事正明元年封溫齊國公
兩浙都招討使始鎮潤州留其子知訓為行軍副使兼吳
政大事溫遂決之以昇潤置常池黃六州為齊國溫城昇
州建大都督府正明三年自潤徙治之時吳王隆演猶用
唐正朔為天祐十四年

以五代文吳
家多定吳

徐知誥通鑑正明三年五月吳徐溫徙知誥為潤州團練
使正明四年六月吳朱瑾殺徐知訓知誥在潤州聞難引
兵潛江撫定軍府時徐溫諸子皆弱溫乃以知誥代知訓
執吳政二同知誥即李昇字正倫為徐溫養子以功拜昇州
刺史治城市府舍甚盛溫行部至昇州愛其繁富徙鎮海

軍治所於昇州自鎮金陵以知誥守潤州知誥不樂不齊
邱密言曰三郎驕縱敗在朝夕潤州去廣陵隔一水耳此
大援也知誥悅即之官三郎謂溫長子知訓也知訓為未
瑩所殺溫居金陵未及聞知誥自潤州用宋齊邱策即日
以舟兵渡江定亂遂得吳政

以唐世
不為定

徐知誥通鑑正明四年秋七月戊戌吳徐溫以知誥權潤
州團練事上同按通鑑有知誥權潤州年月而無詳潤州年
月後唐長興二年九月己亥有吳鎮南節度使同平章事
徐知誥卒之文然未詳何時節度鎮南

徐知詢通鑑後唐天成四年十一月吳諸道副都統鎮海
軍國節度使兼侍中徐知詢入朝於吳徐知誥留知詢為
統軍鎮海節度使長興三年秋九月己亥吳鎮南節度

使同平章事徐知誥卒以諸道副都統鎮海節度使守中
書令徐知詢代之上同和詢徐溫次子知誥之弟知誥之兄
和誥東吳政成權寢盛徐溫欲以親子知詢代之而溫暴
卒和詢奔還自以權兵據上流意輕和誥數爭權和誥患
之諭使入朝因疏其罪責授左統軍領鎮海節度使召金
陵兵還江都斬和詢與客周廷望和詢被誣金陵為之一
空後數歲和詢復起為潤州節度使往時幕府皆亡獨李
建勳隨之和詢至鎮常會聚佐諱宴終日遂絕顧望移鎮
江西卒於任

以通鑑及南唐書本傳參定

按通鑑於天成四年長興二年並載和詢為鎮海節度
參以南唐書本傳則長興二年為潤州節度蓋鎮海軍
額自徐溫徙於昇州溫死和詢入朝未以軍額還潤至南

唐昇元二年四月遣楊洙於潤州丹陽宮以爲思避爲
丹陽宮使王與爲浙西節度使通鑑始載與爲鎮海留
後是鎮海軍額此時方歸潤屬後晉大福三年今考長
興二年至晉天福三年尚有七年之遠本雜附入潤州
今據南唐書知爲潤州節度之文却甚明白是和詰既
誅周廷望之後再以和詢典州矣

徐知詢通鑑清泰二年八月吳潤州團練使知詢狎昵小
人遊燕廢務作列肆于牙城西躬自貿易徐知詰聞之怒
召知詢左右詰責知詢懼或謂和詰曰忠武王最愛知詢
而以後事傳於公借使知詢治有能名訓兵養民於公何
利和詰感悟侍之加厚 皇朝類苑載知詢在潤州喜奇
玩得恩頭一事則是可潤分明但通鑑作潤州團練使顯

苑作湖州節度使差有異同然考南唐書載知珣得鳳頭
之後嘗遊蒜山除地為廣場編虎皮為大帷平寨屬會於
下號曰虎帳忽遇暴風飄虎帳碎如飛蝶知珣驚遽棄鳳
頭歸數日病卒而類苑載知珣以鳳頭并畫牛一軸獻後
主煜煜持貢闕下則類苑恐傳之失實蓋知珣既病卒初
不及事後主

盧文進南唐書本傳後晉天福元年冬晉安遠節度使盧
文進奔吳吳以文進為天雄統軍宣潤節度使文進倚契
丹歸唐明宗以為善成軍節度使安遠晉高祖立與契丹
約為子文進懼天福元年送款於吳元帥徐知誥知誥以
文進為天雄統軍宣潤節度使文進南奔臣身晦迹謹接
文士其所談論儀制故事而已未嘗言兵入為武衛上料

軍病卒五代史

王與通鑑天福三年夏四月南唐先主李昇以左宣威副
統軍王與為鎮海留後南唐先主書四年秋八月鄂州張
宣卒以潤州留後王與代之本傳自控鶴都虞候遷左金
吾大將軍除浙西節度使按南唐世家昇元二年楊溥遣
丹陽宮以王與為浙西節度使則與為節度正為楊溥設
但南唐先主書以為潤州留後通鑑以為鎮海留後必皆
有所據徐溫自潤徙鎮海軍於昇昇既都昇復以鎮海歸
潤是則錢鏐雖移鎮海於杭而國初潤州尚存軍額者蓋
吳與南唐存之也

馬仁裕南唐先主書天福四年八月以金吾衛大將軍馬
仁裕出為鎮海軍節度使留後本傳烈祖受禪遣潤州節

使使明年移鎮廬州係騎省集有仁裕碑其中云左輔之
地王業所基藩屏京師惟公攸賴乃移節往鎮京口慈惠
著於郡國威德洽於士心由是齊人向風期年報政加同
中書門下平章事廬州節度觀察等使金不敢犯逮是以
軍繁俗之方如南徐之理按晉天福四年乃南唐昇元三
年仁裕正係昇元三年事故係於晉

宋齊邱通鑑天福八年十二月南唐嗣主李景以中書令
宋齊邱出為鎮海節度使按通鑑唐侍中周宗年老恭謹
中書令齊邱廣立朋黨傾之宗訴於唐主唐主由是薄齊
邱出為鎮海節度使齊邱忿懟表乞歸九華舊隱賜號九
華先生五代史李景世家係保大元年齊邱罷相為浙西
節度使保大元年即晉天福八年與通鑑同今考江南野

史嗣主即齊邱傳則云齊邱上書諫嗣主不從未幾出為
潤州節度使既行韓熙載之徒肆排毀言與親信陳覺等
立朋黨齊邱知之乃嘆曰烏盡免死則弓藏犬烹矣因表
乞歸九華舊隱嗣主與左右皆以為訴要君上乃賜號九
華先生與通鑑載因齊邱立朋黨然後出之差不同

徐運南唐嗣主書開運三年李景以吏部尚書徐運為鎮
海軍節度使南唐書止有徐運除鎮海年月係保大四年
即晉開運三年而無罷鎮海年月惟徐騎省集有授運太
子太保制詞中云爰自京口臨藩克正師律詳其詞意乃
是舊鎮江口旋有此授

李金全南唐世家後漢乾祐元年李景以潤州節度使李
金全為北面行營招撫使本傳金全為晉安遠節度於天

福五年叛晉送款於李昇昇以金全為天威統軍時昇元四年也後遣潤州節度王李景保大六年即漢乾祐元年可正反河中遣其客將朱元求援景以金全為北面行營

招撫使

以五代史參定

李冀南唐嗣主書乾祐三年李景以來都留守燕王冀為宣潤三州大都督鎮京口冀即李景之長子保大八年鎮潤州即漢乾祐三年也至後周顯德三年實保大十四年周師至廣陵越兵在常州景恐其逼潤以冀年少不習軍事召還金陵冀會將吏問之部將趙鐸曰大王退歸所部必乞以死報國景許之冀部分諸將為戰守之備景乃命龍武都虞侯柴克宏將兵救常州克宏未至樞密副使李璿古遣使追代之冀謂克宏君但前戰吾當論奏乃表克

宏才畧可以成功克宏大破吳越兵斬首萬級吳越人不
敢西嚮者二十年顯德五年遷為皇太子乃李景交泰元
年也顯德六年卒有司引浙西靖難之功謚曰武宣句容
尉張洎冀為所薦進士上書更謚文獻以通鑑及南唐
書本傳參定

徐騎省集有宣州開元觀記云主一嗣位之七年皇至
再造之一紀今儲后首台司而樞師律鎮京口而領宣
域其為政也質以先正諮於耆老義以果斷仁以發生
民力不偷闕政咸聚集中又有使浙西寄燕王侍中詩
云京江風靜喜來流極目遙瞻萬歲樓

林仁肇南唐副主書後周顯德五年李景以營屯應接使
林仁肇為浙西潤州節度使聖朝建隆三年李景以潤州
節度林仁肇為神統軍秋七月以神武統軍仁肇為軍國

軍節度使乾德二年夏鄂州節度使黃延讓卒以宣州林

仁肇代之並南唐仁肇建陽人周師攻淮南仁肇出援壽

春有功授淮南營屯應援使及到地以前官鎮潤州徐騎

省集有仁肇制詞未去依前檢校太傅兼御史大夫使持

節都督潤州諸軍事潤州刺史充鎮海軍節度使浙江西

道管内營田觀察處置等使仁肇制潤州有功能善撫養

士卒後移鎮武昌以南唐書江南野史仁肇傳參定本傳不載仁肇建隆

中移宣州止載移鎮武昌受是時仁肇仍踵燕王冀故事

鎮潤而須宣非移鎮寧國也參考其歲月仁肇在潤整六

年

趙宣輔字仲甫南唐後主李煜充宣歙常潤等通安撫使

以判舉無避為權臣所排徐騎省集宣輔墓誌銘

宣

嚴續乾德三年夏五月李煜以司空平章事嚴續為潤州

節度

以九朝通鑑南唐後主書參定

乾德四年十二月南唐潤州節度嚴

續卒

南唐後主書

嚴續可求之子後主即位自左僕射改司空

平章事其後唐國幾務多歸樞密院續議論不與之同乃

求罷出為潤州節度鎮浙西逾年卒於私第

以九朝通鑑南唐書本傳

參定

尚全恭字子初李煜即位自龍安軍使以潤州監軍使權

領州事善於為政大洽民謡逾歲召還

徐鉉省其全恭銘

云在潤州逾歲召還還領驍州觀蔡使兼左龍衛神武護

軍固辭兵柄遂知建州淮政三年會都下受兵羽檄相望

全恭憂憤成疾以甲戌歲冬十一月卒按甲戌歲乃聖朝

開寶七年自甲戌逆數即全恭在潤為開寶分明

盧絳江南野史本傳開寶八年李煜以凌波軍都虞候盧絳為潤州節度使守太師事迹具攻守形勢

劉澄長編開寶八年李煜以侍衛都虞候劉澄為潤州節度使留後澄宣城人後主推為潤州節度使留後及吳越兵主澄通降款九月戊寅澄帥將吏開門請降潤州平餘見攻守形勢

南唐後主書以劉澄盧絳事且載之開寶七年通鑑長編皆載之八年九月乃據潤州平之歲月書然考尚全恭自潤移建之後至盧絳劉澄以前五六年間潤守姓名尚有遺失更俟來者多聞有考